

Aktuelnosti:

1. Održana radionica o izradi Strategije lobiranja Saveza
2. Posjet članicama Saveza u okviru Projekta CDMA
3. Održan sastanak Radne grupe za fiskalnu decentralizaciju u okviru NALAS-a
4. Gospodarsko povezivanje Mostara i Španjolske
5. Općina Čapljina – Uvođenje trezora korak po korak
6. Vlada FBiH raspravljala o izmjenama i dopunama Zakona o organizaciji organa uprave u FBiH
7. HNK/Ž sufinansira izgradnju vodovoda u Mostaru, Jablanici, Konjicu i Prozor – Rami
8. U općinama počela realizacija projekata iz strategija razvoja
9. Gradonačelniku Sarajeva i načelniku Gradačca dodjeljena prestižna priznanja
10. Otvoren prvi bežični internet park u Sarajevu
11. Načelnik Općine Jablanica najnačelnik u 2011.
12. U Čapljini i Jablanici otvoreno reciklažno dvorište
13. Formirana prva mreža lokalnih razvojnih agencija u BiH
14. Održan kolegij načelnika USK-a
15. Održan seminar na temu „Lobiranje i zastupanje“
16. Raspisani prijevremeni izbori za načelnika Općine Travnik
17. NAJAVA obilježavanja Dana općina

Poštovani članovi i čitaoci,

ODRŽANA RADIONICA O IZRADI STRATEGIJE LOBIRANJA SAVEZA



U Sarajevu je u periodu od 11. do 15. jula/srpnja održana radionica o izradi Strategije lobiranja Saveza općina i gradova Federacije BiH. Ova radionica predstavlja jednu od aktivnosti koja je planirana Projektom „Jačanje kapaciteta saveza općina i gradova u Bosni i Hercegovini“. Glavni konsultant na izradi Strategije

lobiranja bio je Gerrith Jan Schep, koji je angažovan od strane VNG International, implementatora ovog projekta.

U sklopu ove višednevne radionice izrađen je nacrt Strategije lobiranja i obavljena posjeta predsjedniku Predsjedništva Skupštine Saveza, gospodinu Vladi Aliloviću. Tom prilikom gđin Alilović je konsultovan u vezi sa određivanjem smjernica u izradi Strategije lobiranja i prioriteta u vezi sa lobiranjem.

Konačni prijedlog Strategije lobiranja bit će upućen tijelima Saveza na usvajanje.

POSJET ČLANICAMA SAVEZA U OKVIRU PROJEKTA „JAČANJE KAPACITETA SAVEZA OPĆINA I GRADOVA U BOSNI I HERCEGOVINI“ (CDMA)

U toku mjeseca juna/lipnja i jula/srpnja, uposlenici Stručne službe Saveza općina i gradova Federacije Bosne i Hercegovine kroz Projekat „Jačanje kapaciteta saveza općina i gradova u Bosni i Hercegovini“ realizirali su posjete sljedećim općinama: Konjic, Jablanica, Mostar, Čapljina i Neum.

U okviru ovih posjeta promovisan je navedeni projekat koji implementira Međunarodna kooperativna



Kao i do sada, obavještavamo Vas o unutrašnjoj i vanjskoj komunikaciji i razmjeni najboljih iskustava i praksi kao i o različitim obukama koje mogu doprinijeti kadrovskom jačanju općinskih službenika.

Putem ovog biltena se možete informirati i o drugim dešavanjima u proteklom periodu kao što su konferencije, seminari, okrugli stolovi a koji mogu doprinijeti unapređenju sistema lokalne uprave.

Ukoliko želite da se prijavite za primanje ovog biltena možete to učiniti tako što ćete poslati e-mail na sljedeću adresu: dino@sogfbih.ba

Molimo vas da ovaj elektronski bilten proslijedite svim zainteresiranim u vašoj i susjednim općinama.

Ukoliko želite da objavite neke od vaših novosti, iskoristite elektronski bilten Saveza, koji je brz, efikasan i jeftin način komuniciranja sa javnošću.

Sa zadovoljstvom očekujemo vaše komentare, sugestije i primjedbe.

[Kontaktirajte nas](#)

[Telefoni:](#)

033/ 216 502, 033/ 552 812

[Fax:](#) **033/552 810, 033/ 552 811**

<http://www.sogfbih.ba>

<http://www.partnerstvogradova.ba/>

agencija asocijacije holandskih općina VNG-International, u saradnji sa Savezom općina i gradova Federacije Bosne i Hercegovine i Savezom opština i gradova Republike Srpske, a koji je finansiran od strane Švedske međunarodne agencije za razvojnu suradnju – Sida. Posebno su naglašene usluge kao što su pravno i finansijsko savjetovanje, koje u sklopu pomenutog projekta Savez nudi svojim članicama. Pored ovoga razgovarano je i o drugim stvarima na kojima Savez trenutno radi, te o uvođenju trezorskog poslovanja u jedinicama lokalne samouprave što trenutno predstavlja veoma aktuelno pitanje za gradove i općine u Federaciji Bosne i Hercegovine.

ODRŽAN SASTANAK RADNE GRUPE ZA FISKALNU DECENTRALIZACIJU U OKVIRU NALAS-a



U Ljubljani je od 11. do 13.07.2011. godine održan sastanak Radne grupe za fiskalnu decentralizaciju u okviru Mreže asocijacija lokalnih vlasti jugoistočne Evrope (NALAS). Ova radna grupa okuplja članove iz 14 asocijacija lokalnih vlasti jugoistočne Evrope sa ciljem zajedničkog razmatranja aktuelnih pitanja, izrade

studija, te implementacije projekata od važnosti za proces fiskalne decentralizacije u regionu. Sastanku su prisustvovali predstavnici asocijacija lokalnih vlasti iz Bugarske, Makedonije, Kosova, Hrvatske, Crne Gore, Rumunije, Turske, Slovenije, Republike Srpske, te Federacije BiH. Cilj sastanka je bio revidiranje dosadašnjih aktivnosti, projekata i uspjeha ove radne grupe, te planiranje budućih koraka u njenom radu. Sastanku je takođe prisustvovao i gospodin Anthony Levitas, regionalni ekspert iz oblasti fiskalne decentralizacije, koji je takođe učestvovao u izradi Zakona o pripadnosti javnih prihoda u FBiH. Kao poznavalac situacije u regionu, gospodin Levitas dao je savjete vezane za planirane pojekte ove radne grupe.

GOSPODARSKO POVEZIVANJE MOSTARA I ŠPANJOLSKE

MOSTAR, 13. juli/srpanj – Gradonačelnik Mostara Ljubo Bešlić primio je u utorak u Gradskoj upravi Yolandu Parrado, direktoricu organizacije "Casa Mediterraneo", u pratnji počasnog konzula Kraljevine Španjolske u Mostaru Pierina Delduma.

Na sastanku se razgovaralo o organizaciji susreta civilnog društva zemalja Balkana i Španjolske, od kojih bi se jedan susret održao u



<http://www.nexpo.nalas.eu>

e-mail: dino@sogfbih.ba

NAŠ CILJ je informirati vas o seminarima, treninzima, konferencijama i drugim aktivnostima, koji unapređuju lokalnu upravu i kadrovsko jačanje zaposlenih u vašim općinama.

KORISNI LINKOVI ZA PREDPRISTUPNE FONDVE:

<http://www.southeast-europe.net/en/>

<http://www.adriaticipacbc.org/>

<http://www.interregadriatico.it/index1.html>

<http://www.europa.ba/>

<http://www.cbib-eu.org/en/welcome/index.html>

<http://www.cbc.bih-mne.org/>

<http://www.srb-bih.org/>

<http://www.cbc-cro-bih.net/>

<http://www.programmed.eu/>

<http://www.tacso.org/>

<http://www.euroinfocentar.ba/>

<http://www.balkanfund.org/>

<http://eurelmed.com/>

http://eacea.ec.europa.eu/index_en.php

Španjolskoj, a drugi u nekoj od zemalja na području Balkana.

Gradonačelnik je načelno dao potporu organizaciji tog susreta, te istaknuo kako će se o tome još detaljnije razgovarati uskoro.

Gosti iz Španjolske izrazili su zainteresiranost za dolazak nekolicine gospodarstvenika iz Španjolske na Međunarodni gospodarski sajam Mostar 2012. godine.

Predložili si također, da se uoči održavanja sajma, otprilike dva tjedna ranije, u Mostaru održi susret gospodarstvenika iz Španjolske i Grada Mostara te s područja Hercegovine, s ciljem upoznavanja o mogućnostima suradnje po pojedinim gospodarskim oblastima, posebice u energetske projektima, aluminijske industrije i poljoprivrede.

OPĆINA ČAPLJINA – UVOĐENJE TREZORA KORAK PO KORAK



Predstavnici Stručne službe Saveza općina i gradova FBiH su na prijedlog stručnjaka za trezor Projekta upravne odgovornosti (GAP) posjetili Općinu Čapljina radi praćenja aktivnosti ove općine u procesu uvođenja trezorskog poslovanja. Općina Čapljina je jedna od deset općina izabranih za GAP-ovu

komponentu pružanja tehničke podrške jedinicama lokalne samouprave prilikom uvođenja trezorskog poslovanja. Ova općina je samostalno pokrenula neke od aktivnosti, te već aktivno koristi i software-ski modul za trezor. U toku je nastavak saradnje sa GAP-om, kao što je objašnjeno prilikom posjete.

VLADA FEDERACIJE BIH RASPRAVLJALA O IZMJENAMA I DOPUNAMA ZAKONA O ORGANIZACIJI ORGANA UPRAVE U FBIH

SARAJEVO, 13. juli/srpanj – Vlada Federacije BiH je na 13. sjednici koja je održana u utorak 12. jula/srpnja u Sarajevu raspravljala o izmjenama i dopunama Zakona o organizaciji organa uprave u Federaciji BiH, pripremljenim radi usklađivanja sa Zakonom o državnoj službi u Federaciji BiH, kojim su izmijenjena ranija



rješenja u pogledu radnih mjesta rukovodećih državnih službenika.

Namjera je da se preciziraju status, poslovi, odgovornosti, imenovanja i prestanak radnog odnosa za pomoćnike ministara i za rukovodeće državne službenike, koji se imenuju na mandat, odnosno za direktore samostalne uprave i uprave u sastavu ministarstva, direktore upravne organizacije, sekretare sa posebnim zadatkom i sekretare ministarstava, saopštio je Ured za odnose s javnošću Vlade Federacije

BiH.

Jedan od glavnih razloga za izmjene i dopune Zakona o državnoj službi u Federaciji BiH je potreba usklađivanja sa presudom Ustavnog suda od 20. aprila/travnja prošle godine, u kojoj se navodi da se odredbe ovog zakona ne odnose na kantone, gradove i općine.

Praksa dosadašnje primjene Zakona ukazala je na potrebu preciznijeg i potpunijeg usklađivanja statusa rukovodioca i rukovodećih službenika, priznavanja diploma stečenih po bolonjskom sistemu školovanja, rješavanje statusa namještenika koji su obrazovanjem uz rad stekli visoku stručnu spremu, pitanje stručnog upravnog ispita i ocjenjivanja državnih službenika.

Nakon rasprave, Vlada Federacije BiH zaključila je da se u daljem radu na pripremi ovih zakonskih akata uzmu u obzir prijedlozi i sugestije iz današnje rasprave, kao i stavovi zainteresiranih organa i organizacija s kojima će, prema zaključku Vlade Federacije BiH, Federalno ministarstvo pravde obaviti konsultacije.

HNK/Ž SUFINANSIRA IZGRADNJU VODOVODA U MOSTARU, JABLANICI, KONJICU I PROZOR - RAMI



Ministrica poljoprivrede, šumarstva i vodoprivrede u Vladi HNŽ-a Vesna Pinjuh u Mostaru je potpisala s načelnicima općina Rama-Prozor, Jablanica, Konjic te s gradonačelnikom Mostara ugovore iz oblasti vodoprivrede ukupne vrijednosti 1.635.000 maraka.


S Ljubom Bešlićem, gradonačelnikom Mostara, potpisala je četiri ugovora i to dva po 450.000 maraka za sufinansiranje nabavke materijala za nastavak izgradnje vodovoda u naseljima Gornje Mazoljice i Kruševo, a dva od po 50.000 maraka za izradu projektne dokumentacije za vodovodnu mrežu naselja Željuša, Žito i Buna.

S Emirom Bubalom, načelnikom Općine Konjic, Pinjuh je potpisala ugovor o sufinansiranju izvođenja radova na projektu kanalizacijske mreže Konjica s uređajem za prečišćavanje. Ministarstvo ovaj projekat sufinansira s 350.000 maraka, a preostali dio Općina Konjic.

Također, Pinjuh i načelnik Općine Jablanica Salem Dedić su potpisali ugovor o sufinansiranju nastavka izvođenja radova na projektu gravitacijskog vodovodnog sustava s izvorišta Šanica za opskrbu Jablanice. Taj projekat Ministarstvo sufinansira sa 100.000, a preostali dio Općina. Potpisan je i ugovor o sufinansiranju izvođenja radova na projektu kanalizacijskog sustava Jablanica - sjeverni dio Bačina, Šljunkara, Mirke, Čehari i Bukov pod, gdje Ministarstvo sufinansira sa

200.000, a ostatak, također, Općina Jablanica.

U OPĆINAMA POČELA REALIZACIJA PROJEKATA IZ STRATEGIJA RAZVOJA



Swiss Agency for Development
and Cooperation SDC



SARAJEVO, 07. juli/srpanj – Početkom 2011. godine, 23 jedinice lokalne samouprave u BiH usvojile su strategije razvoja izrađene u okviru Projekta integriranog lokalnog razvoja (ILDP), koji predstavlja zajedničku inicijativu Švicarske agencije za razvoj i saradnju i UNDP-a BiH. Kao rezultat napora općinskih administracija i uz finansijsku podršku ILDP-a, neki od prioritetnih projekata uvrštenih u strategije razvoja već su realizirani, čime je načinjen značajan doprinos kvalitetu života građana ovih lokalnih zajednica.

Nakon usvajanja strategija razvoja, poduzete su konkretne akcije u općinama Bosanska Krupa, Bosanski Petrovac, Kozarska Dubica i Srbac, koje su u velikoj mjeri poboljšale kvalitet građana tih općina.

U općini Bosanska Krupa uspješno je uvedeno centralno grijanje u Prvu osnovnu školu, koju pohađa 580 učenika. Tokom izrade strategije razvoja ove općine Udruženje roditelja i učenika istaklo je potrebu poboljšanja uslova u

školi, te je ovaj projekat uvršten u strategiju razvoja kao jedan od prioriteta. Centralno grijanje u Prvoj osnovnoj školi je uvedeno u junu/lipnju 2011. godine, čime su omogućeni uslovi za kvalitetniju i udobniju nastavu. Za realizaciju ovog projekta ILDP i općina Bosanska Krupa su zajedno izdvojili 108.727 KM.

Još jedan od uspješnih projekata koji su sa 76.631 KM podržali općina Bosanski Petrovac i ILDP je sanacija i nabavka opreme za Javnu ustanovu "Dječiji vrtić". Tokom ceremonije obilježavanja završetka realizacije projekta, koja je okupila veliki broj djece, roditelja i predstavnika Općinskog razvojnog tima, načelnik općine Bosanski Petrovac, Ermin Hajder je istakao: "Važnost ovog projekta je naglašena u našoj strategiji razvoja, a njegovom realizacijom osiguravamo adekvatne uslove i bolju brigu o najmlađim članovima naše zajednice".

Razvoj ruralnog turizma jedan je od ključnih razvojnih pravaca definisanih Strategijom razvoja općine Kozarska Dubica. U Kozarskoj Dubici uspješno je realiziran projekat "Izgradnja etno sela Knežica", odnosno reastauracije mini etno sela koje odražava kulturnu, istorijsku i radnu tradiciju ovog područja. U sklopu etno sela napravljen je prostor za održavanje različitih kulturnih manifestacija, a omogućiće se i prodaja lokalnih poljoprivrednih proizvoda. Za realizaciju ovog projekta ILDP i općina Kozarska Dubica su zajedno izdvojili 93.541 KM.

Početkom godine, općina Srbac je pokrenula izgradnju vodovodne mreže u naseljima Gornje i Donje Lepenice – zaseok „Mačkovića brdo“.

Izgradnja vodovodne mreže, za koju je utrošeno 222.807 KM, završena je u maju/svibnju 2011. godine čime je omogućen pristup pitkoj vodi za više od 50 domaćinstava, i ujedno poboljšan kvalitet života u ruralnom dijelu općine. Sredstva za izgradnju mreže su obezbijedili ILDP, općina Srbac i viši nivoi vlasti.

GRADONAČELNIKU SARAJEVA I NAČELNIKU GRADAČČA DODJELJENA PRESTIŽNA PRIZNANJA

SARAJEVO, 08. juli/srpanj – Gradonačelnik Sarajeva, prof.dr Alija Behmen dobio je priznanje "Najgradonačelnik regiona". Priznanje mu je sinoć u hotelu "Holiday Inn" uručio gradonačelnik Podgorice i nosilac ovog priznanja u prošloj godini dr Miomir Mugoša. Naime, na osnovu odluke međunarodnog žirija, sastavljenog od najuglednijih menadžera i naučnih radnika iz regiona, gradonačelnik Behmen je dobitnik priznanja broj 1. – Najgradonačelnik regiona u okviru dodjele prestižnog međunarodnog regionalnog priznanja "Menadžer godine".



Načelnik Općine Gradačac Fadilu Imširoviću, dobitnik je priznanja 'Najnačelnik', za stvaranje povoljnog ambijenta za biznis i podsticaj razvoju malog i srednjeg biznisa u Gradačcu i za zasluge za realizaciju investicije 'Hipodrom Vuković'.

Priznanje "Najambasador" dodijeljeno je ambasadoru Kraljevine Švedske u BiH Bosse Hedberg, a specijalno priznanje za razvoj demokratije i uvođenje bezviznog režima u BiH uručeno je i poslanici Evropskog parlamenta sa sjedištem u Briselu Tanji Fajon.

Priznanja su uručena na sinoć održanoj 24-toj po redu svečanoj ceremoniji dodjele priznanja "Najmenadžer i najkompanija" regiona Jugoistočne i Srednje Evrope, u organizaciji Nezavisne agencije za izbor najmenadžera BiH, Jugoistočne i Srednje Evrope iz Zenice. Tom prilikom dodijeljeno je ukupno 25 menadžerskih nagrada, te 11 nagrada najuspješnim pojedincima.

Svečanosti održanoj u sarajevskom Hotelu "Holiday Inn" prisustvovali su brojni menadžeri, te političke i javne ličnosti iz BiH i regiona.

OTVOREN PRVI BEŽIČNI INTERNET PARK U SARAJEVU



SARAJEVO, 8. juli/srpanj – Na inicijativu Savjetodavnog odbora mladih (SOM) Općine Novi Grad Sarajevo, jučer je otvoren prvi bežični internet park u Sarajevu. Općina Novi Grad Sarajevo ovaj projekat je realizovala u saradnji sa kompanijom

Telemach.

U današnjem modernom svijetu, internet je sastavi dio svakodnevnog života te je potreba za saznanjima do kojih se dolazi putem interneta potakla članove općinskog SOM-a da općinskom načelniku Damiru Hadžiću predloži formiranje i otvaranje prvog bežičnog internet parka u Sarajevu.

Ovaj projekat jedan je od ciljeva zacrtanih u Strategiji za mlade 2008. - 2012. Općine Novi Grad Sarajevo.

Bežični internet park se nalazi u naselju Dobrinja, u ulici Omladinskih radnih brigade, a njegovo korištenje u zoni parka je besplatno.

NAČELNIKU OPĆINE JABLANICA S. DEDIĆU PRIZNANJE ZA NAJNAČELNIKA U 2011.



Tuzlanski sedmični list "Front slobode" organizuje manifestaciju "Ličnost godine" na kojoj istaknutim pojedincima iz svijeta politike, javne uprave i ekonomije dodjeljuje godišnja priznanja u nekoliko kategorija.

Ove godine, za najnačelnika je izabran načelnik Općine Jablanica Salem Dedić.

Načelniku Dediću će u subotu, 9. jula/srpnja u Tuzli biti dodijeljena

"Zlatna plaketa grada Tuzla sa zlatnim ključem".

Prema najavama, manifestaciji "Ličnost godine" će prisustvovati brojni zvaničnici iz BiH, susjednih zemalja i Evropske unije.

U ČAPLJINI I JABLANICI OTVORENO RECIKLAŽNO DVORIŠTE



U okviru projekta "Sustavi upravljanja otpadom iz poduzeća", jučer je 06. jula/srpnja u Čapljini, a danas u Jablanici otvoreno Reciklažno dvorište, koje je izgrađeno i opremljeno uz finansijsku pomoć talijanskog ministarstva vanjskih poslova, te uz podršku regije Toscana.

Navedenim projektom upravlja talijanska organizacija "COSPE" iz Firence u

partnerstvu s Udrugom za poduzetništvo i posao "LiNK" Mostar, a u saradnji s Općinom Čapljina, odnosno Jablanica, te Ministarstvom trgovine, turizma i zaštite okoliša Hercegovačko-neretvanskog kantona.

Riječ je o trogodišnjem projektu čiji je glavni cilj uspostaviti održivi mehanizam skupljanja, selektiranja i valorizacije korisnog krutog otpada, što bi trebalo uticati na smanjenje količina otpada, posebno korisnog otpada koji se odlaže na deponiju, a time i štedi odlagališni prostor i produžava vijek trajanja deponije.

Reciklažno dvorište u Čapljini smješteno je pored javnog komunalnog poduzeća i opremljeno je savremenom opremom koja se sastoji od horizontalne presa-balirke HPB 25t, s transportnim trakama koje omogućavaju presovanje i baliranje određenih vrsta otpada.

Reciklažno dvorište u Jablanici je smješteno u krugu JKP "Jablanica", a opremljeno istom savremenom opremom kao u Čapljini, uz poštivanje normativa za ispravno upravljanje otpadom i očuvanje okoliša.

Na mjestima većih generatora korisnog otpada biće postavljeni kontejneri, koji su također nabavljeni u okviru ovog projekta.

Do kraja ove godine biće nabavljen i kamion, te će time biti kompletirana oprema.

U reciklažnom dvorištu u Jablanici su zaposlena tri lica romske nacionalnosti sa evidencije nezaposlenih, a oni će biti finansirani naredne dvije godine u okviru ovog projekta.

Općine Čapljina i Jablanica su prihvatile ovaj način upravljanja otpadom, jer predstavlja početak sistemskog rješavanja korisnog otpada, što je definirano Zakonom o zaštiti okoliša i novim Pravilnikom o upravljanju otpadom u HNK.

Ovom pilot akcijom COSPE i LiNK žele da pokrenu sistem selektivnog sakupljanja korisnog otpada na širem području, te da ga uspostave nadležni subjekti za upravljanje otpadom u općinama i HNK.

FORMIRANA PRVA MREŽA LOKALNIH RAZVOJNIH AGENCIJA U BOSNI I HERCEGOVINI

U Žepču je, 05. jula/srpnja 2011. godine, potpisan Sporazum o formiranju mreže lokalnih razvojnih agencija. Prvi osnivači ove agencije su Razvojna agencija Žepče-RAŽ, Agencija za ekonomski razvoj-ZEDA Zenica, Razvojna agencija Zavidovići-RAZ i Agencija za razvoj općine Tešanj-TRA.

Svečanost potpisivanja



Sporazuma upriličena je restoranu „Dioniz“ Žepče, a prisustvovali su općinski načelnik Mato Zovko, predsjedavajući OV Žepče Muhamed Jusufović, šef ureda premijera ZDK Dženan Begović, direktorica Regionalne razvojne agencije - REZ Amela Maličbegović, rukovodilac Sektora za regionalnu podršku Marela Zdenac, pomoćnica načelnika za ekonomske poslove Općine Zavidovići, Džeraldina Miličević, predstavnica EURELSMED projekta Ana Guber i direktori i menadžeri lokalnih razvojnih agencija iz Žepča, Zavidovića, Zenice i Tešnja, kao i predstavnik Agencije za razvoj općine Prijedor - PREDA Branislav Vujasin.

Ispred novoosnovane Mreže lokalnih razvojnih agencija obratila se Branka Janko, direktorica Razvojne agencije Žepče i koordinator Mreže koja je pojasnila razloge za osnivanjem neformalne organizacije lokalnih razvojnih agencija. "Mreže stvaraju vezu između ljudi, projekata i lokalnih područja, te tako mogu nadjačati izolaciju s kojom se danas suočavaju lokalne zajednice. One stimuliraju projektnu suradnju između lokalnih aktera, koja nije samo jednostavno izmjenjivanje iskustava, već uključuje konkretne zajedničke projekte koji su vođeni unutar jedne zajedničke

strukture", kazala je Janko.

Posebno je istaknuta važna uloga lokalnih agencija na implementaciji razvojnih općinskih strategija ali i neophodnost međusobnog umrežavanja za zajedničko djelovanje u procesu lokalnog ekonomskog razvoja.

Direktori lokalnih razvojnih agencija, te projekt menadžer RAŽ-a Maja Jukić, prezentirali su svoj dosadašnji rad, a kao primjer dobre prakse i uspješnog zajedničkog rada lokalne agencije i općinske vlasti predstavljena je Agencija za razvoj općine Prijedor-PREDA. Mreža lokalnih razvojnih agencija čije je djelovanje na području Zeničko-Dobojskog i Srednjobosanskog kantona dobila je podršku lokalnih vlasti i Vlade Zeničko-Dobojskog kantona, kao i projekta EURELSMED koji se provodi u BiH i pruža podršku jačanju kapaciteta i doprinosi poboljšanju efikasnosti lokalnog ekonomskog razvoja. Također, Regionalna razvojna agencija REZ podržat će svaku narednu aktivnost Mreže koja je usmjerena na povećanju konkurentnosti Regije Centralna BiH.

"Naš cilj je da osnivanjem Mreže lokalnih razvojnih agencija doprinesemo međusobnoj suradnji, između svih važnih aktera lokalnog ekonomskog razvoja, i da udruženim kapacitetima doprinesemo gospodarskom razvoju lokalnih sredina i regije u cjelini", naglasili su Osnivači prve Mreže lokalnih razvojnih agencija u BiH.

ODRŽAN KOLEGIJ NAČELNIKA USK-a O TEMI UPRAVLJANJE OTPADOM



BIHAĆ, 6. juli/srpanj – Na poziv Ministarstva građenja, prostornog uređenja i zaštite okoline, u Bihaću je održan radni sastanak o upravljanju otpadom, kojem su prisustvovali općinski načelnici Bužima, Velike Kladuše i Ključa, te predstavnici ostalih općina Unsko-sanskog kantona (USK).

Ciljevi radnog sastanka bili su upoznavanje sa provedenim aktivnostima i postizanje razumijevanja o procesu unaprijeđenja upravljanja otpadom na području USK-a, zatim definiranje svih poslova i zadataka, te utvrđivanje pojedinačnih uloga i odgovornosti u procesu, kao i planiranje i postizanje dogovora o narednim koracima.

Sastankom je predsjedavala ministrica prostornog uređenja, građenja i zaštite okoline USK Sinha Kurbegović koja je prisutne upoznala sa istorijatom realiziranih aktivnosti u ovom procesu.

Prisutnima se obratio i premijer USK Hamdija Lipovača koji je istakao značaj rješavanja pitanja zajedničkog upravljanja otpadom na području USK.

Na sastanku je doneseno i nekoliko zaključaka: Zaključak da općinska vijeća Općine

Bihać i Općine Sanski Most donesu Odluku o pristupanju Društvu i shodno tome prihvatanje izmjena člana 2. i 10. Ugovora od strane svih općina USK-a i Općine Drvar, kao i prihvatanje novih odnosa u osnivačkom kapitalu društva. Također, zaključeno je da općinska vijeća svih općina ovlaste općinske načelnike da zastupaju svoje općine u Skupštini privrednog društva "US REG DEP" d.o.o. Bihać, te Zaključak da općinska vijeća donesu Odluku o prihvatanju međuopćinskog sporazuma o upravljanju otpadom na području USK-a.

Radnom sastanku prisustvovali su i predstavnici "UNA CONSULTING" d.o.o. Bihać Sandi Zulić, kao i predstavnici "US REG DEP" d.o.o. Bihać.

ODRŽAN SEMINAR NA TEMU „LOBIRANJE I ZASTUPANJE“



U Sarajevu je 05. jula/srpnja održan seminar na temu „Lobiranje i zastupanje“. Ovaj seminar organizovan je u okviru realizacije aktivnosti na projektu „Jačanje kapaciteta saveza općina i gradova u Bosni i Hercegovini“ koji implementira Međunarodna kooperativna agencija asocijacije holandskih općina VNG-International, u saradnji sa Savezom općina i gradova Federacije Bosne i Hercegovine i Savezom opština i gradova Republike Srpske a finansiran je od strane Švedske međunarodne agencije za razvojnu suradnju - Sida. Seminar je pripremila i vodila gospođa Hafeza Sabljaković, zastupnica u Predstavničkom domu Parlamenta Federacije Bosne i Hercegovine, a istom su prisustvovali gospodin Vlado Alilović, predsjednik Predsjedništva Skupštine Saveza općina i gradova Federacije Bosne i Hercegovine, direktorica i uposlenici Stručne službe Saveza kao i drugi predstavnici općina članica Saveza.

Gospođa Sabljaković je na primjeru donošenja Zakona o principima lokalne samouprave u Federaciji Bosne i Hercegovine podsjetila kako je tekao proces zagovaranja te aktivnosti na lobiranju za usvajanje istog. Također je razgovarano o potrebnim aktivnostima i procesu zagovaranja u narednom periodu u vezi sa Zakonom o koncesijama koji se trenutno nalazi u parlamentarnoj proceduri.

Lobiranje i zastupanje je vrlo značajna tema kada je u pitanju rad načelnika u njihovoj izornoj jedinici, a posebno ako se želi djelovati prema višim nivoima vlasti na način da zakoni koji se nalaze u parlamentarnoj proceduri dođu u formu koja je od interesa i za lokalnu zajednicu i za građane, naglasila je gđa Sabljaković.

Zbog važnosti teme ovog seminara, dogovoreno je da će ista biti predmet tematskog dijela sjednice Skupštine Saveza općina i gradova Federacije Bosne i Hercegovine koja će se održati početkom oktobra/listopada ove godine.

RASPISANI PRIJEVREMENI IZBORI ZA NAČELNIKA OPĆINE TRAVNIK



SARAJEVO, 05.juli/srpanj – Centralna izborna komisija (CIK) je na današnjoj sjednici donijela *Odluku o utvrđivanju datuma održavanja odgođenih prijevremenih izbora za načelnika Općine Travnik.*

Naime, prvobitno zakazani prijevremeni izbori za načelnika Općine Travnik za 24. juli/srpanj su Odlukom CIK-a od 30.juna/lipnja odgođeni do daljnjeg zbog

neosiguranja potrebnih finansijskih sredstava za njihovo sprovođenje.

Nakon što su u međuvremenu otklonjene navedena smetnje CIK je na današnjoj 45. sjednici donio *Odluku o utvrđivanju datuma održavanja odgođenih prijevremenih izbora za načelnika Općine Travnik* za nedjelju, 08. avgust/kolovoz 2011. godine.

Također, CIK je na današnjoj sjednici donio i Uputstvo o izmjeni *Uputstva o rokovima izbornih aktivnosti za održavanje prijevremenih izbora za načelnika Općine Travnik.* Pema njemu prve preliminarne nezvanične i nekompletne rezultate CIK će objaviti 24 sata po zatvaranju biračkih mjesta i po dobijanju rezultata od nadležne općinske izborne komisije, odnosno 08.08.2011. godine u 19:00 sati.

Utvrđivanje i objavu rezultata CIK će obaviti najkasnije u roku od 10 dana, odnosno do 17.08.2011. godine.

Više informacija na www.izbori.ba
